

《淨土生無生論導讀》補充講表

◎附表五：

○此之三法，亦名三諦。性體即中諦，性量即真諦，性具即俗諦。

※《楞嚴文句》卷四云：「然此圓融藏性一體三義，遍在十界三諦，及心佛眾生三法之中。

無不各各圓融。：又復應知，此中所顯圓融藏性，即是前三卷中所明，更非別義。蓋一切俱非，即周遍法界義；由其性量廓徹，故不可喚作一物也。一切俱即，即性色真空性空真色義，及循業發現義；由其性具諸法，故法法皆是也。離即離非，是即非即，即清淨本然義；由其性體妙絕，故遮照同時也。」

※《楞嚴文句》卷四云：「所有十界染淨諸法，隨拈一法，無不皆是圓融真諦。一切俱非，即藏性如實空義，正隨緣而常不變也。言如來藏本妙圓心者，重一【圓】字，為顯性量。：一切俱非，所謂一空一切空，假中皆空，不思議大真諦也。」

※《楞嚴文句》卷四云：「十界染淨諸法，隨拈一法，無不皆是圓融俗諦。一切俱即，即藏性如實不空義，正不變而常隨緣也。…元明心妙，重一【妙】字，為顯性具。心佛眾生，一即一切即。又三諦俱即，所謂一假一切假，空中皆假，不思議大俗諦也。」

※《楞嚴文句》卷四云：「十界染淨諸法，隨拈一法，無不皆是圓融中諦，一切雙遮雙照，即藏性遮照同時義，正隨緣而常不變也。以是俱即句，亦是結上起下，由其俱非而又俱即，所以即是妙明心元。此句重一【元】字，為顯性體。心佛眾生。一遮照一切遮照。又三諦俱遮俱照，即所謂一中一切中，空假俱中，不思議大中諦也。」

○此之心性，或名空如來藏，：或名菩提、涅槃。以下糅合《淨土生無生論親聞記》

◆天台大師云：佛有無量德，應有無量名，舉一蔽諸。今亦例立，性有無量德，應有無量名，舉七以蔽諸。此之七名，本出楞嚴，彼明如來果位七名。

※《楞嚴經》卷四云：「阿難白佛言：【世尊！如果位中，菩提、涅槃、真如、佛性、菴

摩羅識、空如來藏、大圓鏡智，是七種名，稱謂雖別，清淨圓滿，體性堅凝，如金剛王，常住不壞。」

※《楞嚴文句》卷四云：「智德無二障，名為菩提。斷德無二死，名為涅槃。不妄名真，不異名如。不壞不變，名為佛性。分別一切而無染著，名菴摩羅識。惟一真心，更非他物，名空如來藏。洞照萬法而無分別，名大圓鏡智。」

◆就證得佛位，所立之七種名稱，即：（一）菩提，謂知覺，亦即智果。（二）涅槃，謂寂滅，亦即斷果。（三）真如：真，不妄也；如，不異也。（四）佛性：佛名為覺，性名為心。以具如如佛，及智慧佛二義故也。約如如佛，則非覺非不覺。然既稱佛，亦可強名為覺矣。約智慧佛，既具三智之用，便可直稱為覺也。（五）菴摩羅識：菴摩羅譯為無垢，乃離障之所顯，即為白淨無垢識。（六）空如來藏：與妄染不相應，含藏無量功德。（七）大圓鏡智：能現身土，離倒圓成，周鑒萬有。此等常住之果，名稱雖七，其體為一，

清淨圓滿，堅固凝然，如金剛常住而不壞。（以上糅合《佛光大辭典》）

□空如來藏：如來藏者，真如之德名。真如之體性畢竟空寂，不止一切染淨之法，如明鏡內無一實質，故謂為空，非謂真如之體是無也。（以上糅合佛學大辭典）

※《大乘起信論裂網疏》卷二云：「今言空者，但遮妄念以明本空，非指此空為真如也。」

※《大乘起信論裂網疏》卷四云：「因該果海，名如來藏，亦可名為理即法身。果徹因源，名為法身，亦可名為究竟如來藏也。」

※《大乘止觀法門》云：「一切諸法，依此心有，以心為體，望於諸法。法悉虛妄，有即非有。對此虛偽法，故目之為真。又復諸法雖實非有，但以虛妄因緣，而為生滅之相。然彼虛法生時，此心不生；諸法滅時，此心不滅。不生故不增，不滅故不減。以不生不滅，不增不減，故名之為真。三世諸佛及以眾生，同以此一淨心為體。凡聖諸法，自有差別異相；而此真心，無異無相，故名之為如。又真如者，以一切法真實如是，唯是一心，故名此一心以為真如。」

□菴摩羅識：意譯無垢識、清淨識、如來識。即第九識。此識為真諦系之攝論宗所立。人心之本來面目乃遠離迷惑而本自清淨。

○性體性量名空如來藏，即性具十界，五陰國土，名空如來藏。

※《淨土生無生論會集》云：「即性具等，名空如來藏者，謂性具十界依正，隨拈一法，皆名空如來藏等也。」

○第二、身土緣起門

※《淨土生無生論親聞記》云：「緣者，因緣也；起者，生起也。因緣為能生，身土為所生，《中論》所謂因緣所生法是也。以論為門。」

○一真法界性，不變能隨緣；三身及四土，悉由心變造。以下糅合《淨土生無生論講義》

◆一真法界性：心性之體也。不變能隨緣：心性之用也。三身及四土：心性隨緣所造之事也。悉由心變造：會事入理，攝用歸體也。即所三界唯心，萬法唯識。

※《占察善惡業報經義疏》卷下云：「譬如同在一處，天見琉璃，魚見窟宅，人見清水，

鬼見膿血炭火，離彼四類有情心想，何嘗別有法相可得。又如同—美女，有欲男子視之，以為妙好；等輩妒婦視之，以為怨家。魚見之深入，鳥見之高飛，麋鹿見之決驟。不淨觀人視之，以為行廁；出世聖人視之，知其本空；入假菩薩視之，知其能為十界染淨緣起；佛眼視之，知即法界實相。舉此一法，總不出於十界各自心量，心外無境。一切諸法，例皆可知。」

※《佛說阿彌陀經要解》云：「實相無二，亦無不二。是故舉體作依作正，作法作報，作自作他。乃至能說所說，能度所度，能信所信，能願所願，能持所持，能生所生，能讚所讚，無非實相正印之所印也。」

○如君子不器，善惡皆能。：「能隨染淨緣，具造十法界。」

◆君子乃成德達材之士，體無不具，用無不周；決不局於一才一藝，如器物之大小方圓，各有限量，而不能相通也。以佛法言之，器有正報器、有依報器，有善器、有惡器，又

有有漏器、無漏器、亦有漏亦無漏器、非有漏非無漏器。而我人現前一念之心性，無所不能，故喻「不器」。

※《華嚴經》卷三十所云：「心如工畫師，能畫諸世間，五蘊悉從生，無法而不造」。

○見與見緣，并所想相，如虛空華，本無所有。此見及緣，元是菩提妙淨明體」是也。

◆《楞嚴文句》指出「見」為八識能緣之見分，「見緣」為八識所緣之相分；此見相二分是依他起性，可比喻為麻所做成的繩子。「所想相」乃是於依他起的見分、相分，妄生我法二執，即是徧計執性，可比喻為錯認繩子為蛇。「妙淨明體」為真如自性，可比喻為做成繩子的麻。「如虛空華，本無所有」是指藉由對教理聞思的熏習，如實的了知「徧計本無」；而且依他起的見分、相分，乃是現前一念心性隨緣所變現的，是如夢如幻的境界，似有非有。由於能夠對「徧計本空，依他如幻」之理產生勝解，並且精進的行持之，因而體悟到依他起性即是圓成實性。即是《大乘止觀法門》所謂「息波入水」，而證悟到「此見及緣，元是菩提妙淨明體」之理。